

AKKS BERGEN  
Georgernes Verft 12  
5011 BERGEN

Dato: 23.11.2017  
Vår ref.: 2017/904-45  
Saksbehandlar: maraskv  
Dykkar ref.:

## Prosjektilskot: Kultur - amatør - hausten 2017 - Underretning om tildeling

Vi viser til dykkar søknad om tilskot til Prosjektilskot: Kultur – amatør – hausten 2017.

Hordaland fylkeskommune, Utval for kultur, idrett og regional utvikling, har i møte 15.11.2017, politisk sak 139/17 vedteke å tildele dykk kr 20.000 i tilskot til UFLAKKS 2018.

### Grunngjeving:

Ved søknadsfristen 1.september var det kome inn 38 søknader. Samla søkesum var 1 144 250 kroner. Det er totalt 422 000 kroner til fordeling under Prosjektilskot: Kultur – amatør – hausten 2017.

Det kom inn mange gode søknader som fylte vilkåra for ordninga, og med avgrensa midlar har det vore naudsynt å prioritere strengt. Prioriteringa har vore gjort med utgangspunkt i føremålet for ordninga og kriteria fastsett i vedtekne retningslinjer.

Gjeldande tildelingar / vedtak finn de i [saksprotokollen](#) til sak 139/17. Det vart gjort nokre endringar frå fylkesrådmannens forslag til vedtak.

For oversikt over fylkesrådmannens forslag til vedtak sjå politisk sak:

<http://einnsyn.hfk.no/einnsyn/RegistryEntry/ShowDocumentFromDmb?registryEntryId=441925&documentId=692926>

Vedlegg til den politiske saka med fylkesrådmannens individuelle grunngjeving:

<http://einnsyn.hfk.no/einnsyn/RegistryEntry/ShowDocumentFromDmb?registryEntryId=441925&documentId=765553>

### Vilkår for tilskotet - Oppfølging, rapportering og kontroll

- Tilsegnsmottakar skal rapportere og sende inn rekneskap innan 3 månader etter at tiltaket er gjennomført.
- Fylkeskommunen og fylket sin revisor skal ha høve til å setja i verk kontroll med at midlar vert forvalta som føresett. Fylkeskommunen og fylket sin revisor skal ha rett til dei dokument og opplysningar ein finn påkravd for sin kontroll.
- Gjennom aktivitetar, informasjonsmateriale mv skal det gjerast tydeleg at Hordaland fylkeskommune er tilskotsgevar. Dokumentasjon av dette skal leggest ved rapport.
- Om ein har opne, publikumsretta arrangement er det ein føresetnad at tilskottsmottakar aksepterer og nyttar ordninga med følgjekort for funksjonshemma. Funksjonshemma som kjøper billett skal då ha rett til gratis billett til sitt følgje.
- For fagleg oppfølging og vurdering må dei som søker om tilskot til arrangement på førespurnad kunne gje akkreditering til inntil 2 representantar frå Kultur- og idrettsavdelinga.
- Dei som får tilskot til publikasjonar må levere minimum 1 eks av denne til Hordaland fylkeskommune når denne er ferdigstilt.

- Tiltaket skal gjennomførast på den måten og i det tidsrom som går fram av søknaden. Eventuelle vesentlege endringar i prosjektet må meldast skriftleg til sakshandsamarar for vurdering og godkjenning. Dersom prosjektet vert avlyst, utsett eller vesentleg endra, kan heile eller deler av tilskotet krevjast betalt attende.
- Utbetaling av tilskot skjer i hovudsak gjennom elektronisk faktura i EHF-format

### Utbetaling

Utbetaling av tilskot skjer i hovudsak gjennom elektronisk faktura i EHF-format.

Elektronisk fakturaadresse: **9908:938626367**  
Aksesspunkt: Visma

Saksnummer: 2017/904

Ressursnummer: **10169**

Beløpet vil bli utbetalt når Hordaland fylkeskommune har mottatt og handsama EHF-faktura med korrekt merking med saksnummer og ressursnummer. Vi ber om at de sender inn elektronisk faktura innan 13. desember d.å.

Tildelinga skjer over 2017-budsjettet og må difor betalast ut i 2017. Dersom de ikkje har høve til å sende elektronisk faktura i EHF-format innan 13.12.17, kan de sende e-post til [hfk@hfk.no](mailto:hfk@hfk.no) der de stadfester at prosjektet går som skissert i søknaden, og at de aksepterer tilskotet med dei føringane som ligg føre. Merk e-posten med saksnummer 2017/904.

De har ansvar for å kontrollere at utbetalt beløp er korrekt, og eventuelt for mykje utbetalt tilskot skal betalast attende snarast.

### Rapportering/rekneskap

Rapporten skal sendast til [hfk@hfk.no](mailto:hfk@hfk.no)

Rapporten skal gje ein kortfatta skildring av:

- Når og kor tiltaket vart gjennomført og korleis dette vart gjort.
- Eventuelle avvik frå vilkåra med nærare grunngjeving.
- Eventuelle avvik frå søknadsgrunnlag (planar/budsjett) med grunngjeving
- Dersom rapport/rekneskap i samsvar med krava ikkje vert levert innan fristen vil det vere eit brot på vilkåra for tildelinga.

**Det er viktig å merka rapporten med saksnummer 2017/904.**

### Klage/partsinnsyn

Part eller andre med rettsleg klageinteresse kan klage på vedtaket innan ein frist på tre - 3 - veker. Fristen vert rekna frå den dagen de mottok melding om vedtaket. Den fylkeskommunale klagenemnda er klageinstans. Klagen skal sendast til Hordaland fylkeskommune, [hfk@hfk.no](mailto:hfk@hfk.no) merka *Klage – 2017/904*. Klagen må innehalde opplysningar om kva vedtak det vert klaga over, årsaka til at det vert klaga og kva endringar ein meiner bør gjerast.

Vi gjer merksam på at de etter Forvaltningslova har rett til å gjere dykk kjend med dokumenta i saka med dei avgrensingane som følgjer av §§ 18 og 19.

Per Morten Ekerhovd  
kst fylkesdirektør kultur og idrett

Ronny Skaar  
seksjonsleiar

Sakshandsamarar: Marianne Ose Askvik og Tone Stedal Haugland

*Brevet er godkjent elektronisk og har derfor inga underskrift.*

Hordaland fylkeskommune

Agnes Mowinckels gate 5  
PB 7900  
5020 Bergen

Tlf: 55 23 90 00  
e-post: [hfk@hfk.no](mailto:hfk@hfk.no)  
[www.hordaland.no](http://www.hordaland.no)

Foretaksnr. NO 938 626 367 mva.  
Kontonr. 5201 06 74239